



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Sacros. Concilii Tridentini Canones Et Decreta**

**Gallemart, Jean**

**Coloniæ Agrippinæ, 1621**

Capvt IX. Contra inanem hæreticorum fiduciam.

**urn:nbn:de:hbz:466:1-39157**

42      *Concil. Trid. cum Declarat. & Remis.*  
10.num.84.cum seqq. Fr.Ioan. de la Cruz de statu Relig. lib.2.cap.2.  
dub.3.concl.1.reg.1.  
β Quanquam enim nemo possit esse iustus. &c.] Vide Vasquez in 3.p.  
D. Thomæ tom.2.disp.231.num.37.  
γ Vnde in ipsa, &c.] Vide Pat. Azori. instit. mor. lib.9.cap.3.  
quæst.3.

### C A P V T VIII.

*Quomodo intelligatur, impium perfidem, & gratiū  
iustificari.*

a Rom.3.

**C**VM verò Apostolus a dicit, iustificari hominem per fidem, & gratis ; ea verbain eo sensu intelligenda sunt, quem perpetuus Ecclesiæ Catholicæ consensus tenuit, & expressit; vt scilicet per fidem idèo iustificari dicamur, quia fides est humanæ salutis initiam, fundatum, & radix omnis iustificationis : b sine qua impossibile est placere Deo, & ad filiorum eius consortium pervenire: gratis autem iustificari idèo dicamur ; quia nihil eorum quæ iustificationem præcedunt, sive fides, sive opera, ipsam iustificationis gratiam promeretur ; si c enim gratia est, iam non ex operibus; alioquin, vt idem Apostolus inquit, gratia iam non est gratia.

b Hebr.11.  
Infr. Can.9.

c Rom.3.  
Ephes.2.  
Tit.3.

Tit.3.

d Infr. Can.  
3. & 13.

### C A P V T IX.

*Contra inanem hereticorum fiduciam.*

**Q**VAM VIS autem necessarium sit credere, ne quo remitti, neque remissa vñquam fuisse peccata, nisi gratis diuina misericordia propter Christum : nemini tamen fiduciam d & certitudinem remissionis peccatorum suorum iactanti, & in ea sola quiescenti, peccata dimitti vel dimissa esse, dicendum est ; cùm apud hæreticos & schismaticos possit esse, imò nostra tempestate sit, & magna contra Ecclesiam Catholicam contentione prædictetur vana hæc & ab omni pietate remota fiducia. Sed neque illud asserendum est, oportere eos, qui verè iustificati

ficiati sunt, absqueulla omnino dubitatione apud semet-  
ipsos statuere, se esse iustificatos, neminemque à peccatis  
absoluti ac iustificari, nisi eum, & qui certò credit se abso-  
lutum & iustificatum esse; atque hac sola fide absolutio-  
nem & iustificationem perfici: quasi qui hoc non credit,  
de Dei promissis, deque mortis & resurrectionis Christi  
efficacia dubitet. Nam sicut nemo pius de Dei misericor-  
dia, de Christi merito, deque Sacramentorum virtute &  
efficacia dubitare debet: sic quilibet, dum seipsum suam-  
que propriam infirmitatem & indispositionem respicit,  
de sua gratia formidare & timere potest; cum nullus scire  
valeat certitudine fidei, cui non potest subesse fallum, se  
gratiam Dei esse consecutum.

## C A P V T X.

## De accepta iustificationis incremento.

**S**Ic ergo iustificati, & amici Dei ac domestici facti,  
**b** euntres de virtute in virtutem, renouantur, vt A-  
postolus inquit, de die in diem: hoc est, mortificando  
membra carnis suæ, & c exhibendo ea arma iustitiae in  
sanctificationem, per obseruationem mandatorum Dei,  
& Ecclesiae, & in ipsa iustitia per Christi gratiam accepta,  
cooperante fide bonis operibus, crescunt, atque magis  
iustificantur, sicut scriptum est: d Qui iustus est, iu-  
stificetur adhuc. Et iterum: e Ne verearis usque ad  
mortem iustificari. Et rursus: f Videtis quoniam ex  
operibus iustificatur homo, & non ex fide tantum. Hoc  
vero iustitiae incrementum petit sancta Ecclesia, cum  
orat: Danobis Domine fidei, spei, & caritatis augmen-  
tum.

## R E M I S S I O N E S.

\* In ipsa iustitia.] Vide Sayr. in clavi regia, lib. 3. cap. 4. & P. Azor.  
inst. moral. p. 1. lib. 4. c. 34. col. 352,

## C A P V T